



Inatsisartuni ilaasortaq, Nikkulaat Jeremiassen, Siumut
/Maani

**Qulimiguulinnut mittarfinni ilaasunut oqquiffissat pillugit § 37 naapertorlugu
apeqquteqaat nr. 2017-233-mut akissut**

02-11-2017
Sags nr.: 2017 - 23482
Dok. nr. 24594516

Asasara Nikkulaat

Aallaqqaasiullugu Inatsisartut suleriaasianni § 37 naapertorlugu qulimiguulinnut
mittarfinni ilaasunut oqquiffissat pillugit apeqquteqaatinnut, 16. oktober 2017-imi
ullulerneqartumut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquut:

**Nunaqarfinni isorliunerusunilu ukiukkut silaannakkut angallattoqalersillugu
aallariartortut oqquisimaarfissaannik illuaqqanik pilersitsinissaq
Naalakkersuisunit pilersaaruteqarfigineqarpa?**

Akissut: Aningaasanut inatsimmi Mittarfeqarfiit qulimiguulinnut mittarfiutaanni
misissuinissamut aningaasanik illuartitsisoqarnikuuvoq. Mittarfippiami
isumannaallisaanermut tunngasut kiisalu utaqqsarfiit qanoq issusiinik nalunaarsuinissaq
misissuiffigineqartussaapput. Misissuinerit taakku marluusut 2018-ip aallartinnerani
aallartinneqarnissaat naatsorsuutigineqarpoq.

Misissuinerit taakkua inernerat tunngavissanik pitsaasunik pilersitsissaaq utaqqsarfinnik
pisariariaqartitsineq ilaatigut nassuiassallugu, taamaasilluni ukiuni tulliuttuni
aningaasanut inatsisissanut pingaarnersiuisoqarsinnaasunngorlugu.

Inussiarnersumik inuulluaqqusillunga

Erik Jensen